



مجلس أوكام إسلام سيغاقورا

خطبة جمعة

30 جولاي 2010 / 18 شعبان 1431

قصة سئورغ فتاني - فعاجران دري سنة باكي فرنچاغن هرتا

الْحَمْدُ لِلَّهِ عَلَى إِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ، وَأَشْهَدُ
أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِسَانِهِ، وَأَشْهَدُ أَنَّ
سَيِّدَنَا وَنَبِيَّنَا مُحَمَّدًا عَبْدَهُ وَرَسُولَهُ الدَّاعِيَ إِلَى رِضْوَانِهِ، اللَّهُمَّ
صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ
وَإِخْوَانِهِ.

أَمَّا بَعْدُ، فَيَا أَيُّهَا الْمُسْلِمُونَ، أَوْصِيكُمْ وَنَفْسِي بِتَقْوَى اللَّهِ عَزَّ
وَجَلَّ، فَهِيَ وَصِيَّةُ اللَّهِ لِلأَوَّلِينَ وَالآخِرِينَ.

سيدغ جمعة يغ درحماتي الله سكليان،

ماريله كيت برتقوى كقد الله سبحانه وتعالى. تونايكن سكال

كواجقنث. جاووهيله سكال لاراغنث. ترفكنله كسدارن تقوى،

ترماسوق دالم حال-حال یغ برکائیتن دغن کواغن دان هرتا.
مده-مداهن الله سبحانه وتعالی اکن مموکاکن فینتو - فینتو رزقي
کیت دري سومبر یغ تیدق ددوکا باکي مریک یغ برتقوی دغن
سبئر-بئرث.

سیدغ جمعة یغ درحماتي الله،

کیت تروسکن قد هاري این دغن ساتو لاکي قصه تلادن، دغن
کالي این درقد سنه رسول الله صلی الله علیه وسلم. موده-موداهن
ای داقت مبریکن منفعة أنتوق کیت قد هاري جمعة یغ فنوه برکه
این.

ماريله کیت حیاتي برسام فنیکن سبواه حدیث رسول الله صلی الله
علیه وسلم یغ دروایتکن ملالوئی أبو هريرة رضي الله عنه، د مان
دسبوتکن بهوا سئورغ فتانی قرنه دتاث اوله سئورغ للاکي، أفکه
قرکارا یغ سدغ د لاکوکنش، بلیاو منجواب:

"...أدقون کامو مناپکن سماچم این، کران سسوغکوهن آکو
سلالو ملیهت - یعنی مفرهاتیکن بئر-بئر - جمله حاصل یغ کلوار

دري کبون اين. کمدین اکو بر صدقه دغن سفرتيگاڻ، اکو ماکن برسام کلوارک دغن سفرتيگاڻ دان اکو کمباليکن قد کبون یغ سفرتيگاڻ قولاً - أنتوق بییتش". حدیث روایة إمام مسلم.

ملالوئي حدیث این، کیت داقت ملیهت بکیمان رسول الله صلی الله علیه وسلم ممقوپائي (visi) یغ اُمت لواس دان برقنداغن جاوه دمی کسجهتران اومتش. ولوفون قصه این هان ملیتکن سئورغ فتانی، نامون أف یغ دسمقیکن قد حدیث این ممقو ممبریکن کسن بسر دالم کهیدوفن ستیاف دری کیت. أنتارا فتاجران فتیغ دالم حدیث این ایاله:

قرتام - کفرلوان ممبوات فرنچاغن هرتا. سیکف مرنچغ قربلنجان باکی ستیاف فنداقتن یغ دتریمما فرلو وجود دالم دیری ستیاف مسلم، لبیه-لبیه لاکي قد ستیاف کتوا کلوارک. تنقا فرنچاغن کواغن یغ بیجق، کهیدوفن سسئورغ ایندیقیدو (individu) اتو کلوارک اکن ترججاس دان ممبریکن کسن بوروق قد دیری سندیری اتو تغکوغنش.

دغن فرنچاغن كواغن يغ بايك، سسئورغ ايت بوكن سهاج ممقو هيدوف سمقورن، تتاي جوك داقت ممستيكن كقرلوان اساس كلوارك ترجمين، ممقوپائي سيمقنن يغ منچوكوفي، سلاين ممقو مغاكيهكن سيمقنن انتوق برصدقه دان برعمل جارية .

سلاين ايت، كييجقسانان ممبري كاوتامان دالم قربلنجان جوك فنتيغ، اين ترماسوقله مغاكيهكن كقرلوان باكي قربلنجان كلوارك تربييه داهولو، سبلوم ممبلنچكن باكي اوروسن لايين ترماسوق دالم فركارا صدقه.

كتهويله، اقبيل سبواه يونيت كلوارك ايت كوكوه دان ستابيل، اي اكن ممبري كسن كقد مشاركة سچارا عموم، دان ممبتوك اره موجودكن مشاركة اسلام يغ منتف سرت مپومبغ ك اره كماجوان نكارا.

كدوا - ميمائي سماغت ممبري قد مشاركة اسلام.
اسلام سنتياسا مكالقكن قغانوتن انتوق ممبتو مريك يغ ممرلوكن ملالوئي زكاة، صدقه دان لايين-لاين. بايغكن كنجاران اورغ يغ

مپومبشکن هرتش قد جالن الله، یغ دکنداکن قهلان اوله الله سبحانه
وتعالی سهشک 700 کالی کندا. فرمان الله سبحانه وتعالی دالم
سورة البقرة آية 261:

مَثَلُ الَّذِينَ يُنْفِقُونَ أَمْوَالَهُمْ فِي سَبِيلِ اللَّهِ كَمَثَلِ حَبَّةٍ أَنْبَتَتْ سَبْعَ
سَنَابِلٍ فِي كُلِّ سُنبُلَةٍ مِائَةٌ حَبَّةٌ وَاللَّهُ يُضْعِفُ لِمَنْ يَشَاءُ وَاللَّهُ وَاسِعٌ
عَلِيمٌ

أرتین: "بندیغن اورغ-اورغ یغ ممبلنجکن هرتش قد جالن الله، ایاله
سام سقرت سبیجی بنیه یغ تومبوه منربیتکن توجه تشکای؛ تیاف-
تیاف تشکای ایت قولاً معندوغي سراتوس بیجی. دان الله اکن
ملیقت کنداکن قهلا باکی سسیاف یغ دکهندقکین، دان الله مها
لواس کورنیا، لاکي ملیقوتی علمو قغتهوانث."

کتھویله، نیلای یغ دقوق حاصل دری سماغت ممبری کقد مریک
یغ ممرلوکن، اکن منجامین کستاییلن ایکونومی مشارکة سرت
منجامین تیاد اغکوت مشارکة یغ ترتیغکل اتو ترسیغکیر باکی
مندافتکن حق دان کفرلووان اساس دالم کھیدوفن.

سماغت مپومبغ جوک اکن ممنتوق کعادیلن سوسیال سرت ممبسمی
کمسکینن، این ستروسن اکن مراقتکن جورغ باکی طرف
هیدوف دالم سسبواه مشارکة.

باکی ممستیکن این برلاکو، مک کیت فرلو ممستیکن اکر ستیاف
کلوارک تیدق دنافیکن حقن دالم منداقتکن کفرلوان اساس، این
ترماسوقله دالم اوروسن فنیدیقتکن ماهووقون سکیم-سکیم (-skim
skim) ترنتو باکی ممفرتیغکتکن فنداقتن کلوارک.

کتیک - ملابور باکی کفرلوان ماس هداقن.

ملاوئی حدیث این، فلابورن باکی ماس هداقن مروفاکن سبهاکین
دری أجارن سنَّه رسول الله صلی الله علیه وسلم، تیدق کیراله سام
اد ایاث باکی مودال فوسیغن فرنیاکان، اتو سیمقنن باکی ماس دقن
کتیک کیت مملوکن سفرت اوروسن فروباتن ماهووقون باکی
سیمقنن هاری توا کلوق.

ماله جک کسموا دری کیت ممقو ملقسناکن سکاال أف یغ
دأجرکن اوله سنَّه رسول الله این، مک تیدق مستحیل کیت ممقو

منجادي موديل (model) مشاركة چونتوه دان دسكاني اوله
مشاركة لاین.

سوداراكو سكيلیان،

ماريله سام-سام کیت مئعملکن فرنچاغن کواغن سباکیمان یغ
دأنجورکن اوله سنه رسول الله صلی الله علیه وسلم. دغن این
فائدهن بوکن سهاج دراسکن اوله دیری سندیری أتو قون
کلوارک، بهکن کسن قوسیتیف این داقت د تیرکن سهغک
دراسکن جوک اوله مشاركة سکلیلیغ. إیتوله أجارن إسلام یغ
سبئر، اکام یغ مبابوا رحمة أنتوق سلوروه عالم.

بَارَكَ اللهُ لِي وَلَكُمْ فِي الْقُرْآنِ الْعَظِيمِ ، وَنَفَعَنِي وَإِيَّاكُمْ بِمَا فِيهِ مِنَ
الآيَاتِ وَالذِّكْرِ الْحَكِيمِ ، وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ
السَّمِيعُ الْعَلِيمُ ، أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ ،
وَلِسَائِرِ الْمُسْلِمِينَ وَالْمُسْلِمَاتِ ، وَالْمُؤْمِنِينَ وَالْمُؤْمِنَاتِ ،
فَاسْتَغْفِرُوهُ فَيَا فَوْزَ الْمُسْتَغْفِرِينَ وَيَا نَجَاةَ التَّائِبِينَ .